

Errugbia

Miarritzek Stade Français lider sendoa bisitatuko du

Itzuliko lehen jardunaldia dute, eta Betsen hasieratik ariko da

Frantziako txapeldunen kontra borrokatuko da gaur Miarritze Parisen (15:30). Stade Français izan da Miarritze mendean hartu duen bakarra Aguilera (15-20). Lau puntuko aldea dute frantziarrek sailkapenean. Puntu eta entsegu gehien egin duen taldea da Stade, eta iazko titulua errepikatzeko bidean da. Arrieta ez da ariko Miarritzen, baina bai Betsen.



Serge Betsen berriro hasieratik ariko da gaur Staderen kontra. Argazkian joanekeo partidan, Aguilera.

BOB EDME

Koldo Alduntzin / Donostia

JOANEKO helburua beteta ekin dio Miarritzek gaur itzulikoari. Toulonen kontra bi puntuz irabazi (19-17) eta ez oso joko distiratsua eginda lortu zuten lapurtarrek Ligako laugarren garaipena joan den igandean. Hortaz, zortzigarren jardunaldiari dagokion norgehiagokari egingo diote aurre gaur Parisko Jean-Bouin zelaietan.

Multzoko liderraren kontra jokatu du, Staderen kontra —hamazazpi final jokatu eta bederatzi titulu irabaziak ditu, eta egungo txapelduna ere bera da—. Jokaturiko zazpi partidetatik soilik bat galdu du Stadek. Sailkapenburu da 19 punturekin eta Miarritzek baino 4 gehiago ditu. Gainera, Elite Ligan diharduten

24 taldeen artean puntu gehien (246) eta entsegu gehien (27) egin duena da. Hala ere, Tolosak eta Brivek baino puntu gehiago hartu ditu (117).

Miarritzerekin alderatzen badugu, 52 gehiago egin ditu eta 24 gutxiago hartu. Joan den igandean Narbona —bigarren postuan da— menderatu zuen 42-21. Dominguez argentinarrek 98 puntu egin ditu eta Lamaisonon gibeletik —puntu batera— puntugilerik onena da. Bistan da oso talde erasotzaile dela, eta horren adibide gisa, Narbonari eginiko sei entseguak. 10 minututan 19 puntu egin zituzten. Pool Jones ingelesa —Miarritzen aritu zen duela lauzpabost sasoi— izugarri ari da jokatzeko 3. lerroan, eta baita Moni ere. Hortaz, defentsa aparta egin beharko dute miarritzarrek.

Zorionez, Betsen kapitaina hasieratik ariko da, matraileko hezurra osatuta. Joan den igandean bigarren zatiko hainbat minutu jokatu zituen eta sendotasuna emango dio 3. lerroari, batez ere defentsan. Arrieta izango da berriro ariko ez dena, belauneko arazoekin baitabil. Rodriguezek eta Lagisquetek zalantza dute Matiu 3. lerroan jarri edo, hasieran bezala, 2. lerroan. Puleoto harroinaren ere dudatan dira.

Miarritzarrei erregularitasun eza nabaritu diegu. Toulonen kontra erritmo falta nabaritu izan zitzaizen. Ez ziren argi ibili zigor kolpeetan eta gibeletan pase luzeak egin zituzten, zelaia lokaztuta egonda. Hori bai, erabakigarriak izan ziren partidako unerik arrakatsuenetan. X

Altuna, Astarloa eta Gallastegi hasieratik

Munduko Koparako sailkatuta, gaur Eskoziaren kontra jokatu dute

K. A. / Donostia

PORTUGALEN kontra Oskar Astarloak jokatu zuen soilik, baina gaur Eskoziaren diren hiru euskal ordezkariek hasieratik zelairatu dituzte Alfonso Feijoo donostiarrak. Gogoratu behar da Astarloa Elorriokoak bigarren zatia jokatu zuela gizonetako Espainiarekin, Portugalen kontra, eta 21-17 gailendu zela Espainia. Garaipenarekin, Galesen jokatu den Munduko Koparako txartela lortu zuten

Gaur Eskoziaren kontra jokatu du Espainiak, Edimburgoko Murrayfield zelaietan (15:30). Feijoo adierazi zuen izugarritzko esfortzua egin zuela taldeak eta gaurko aldaketak egingo zituela. Horregatik, Asier Altuna aňorgatarra (Akize) eta Aratz Gallastegi getxotarra (Getxo Artea) hasieratik zelairatu dituzte, Astarloarekin batera. Eskoziarrek ere bereganatu dute txartel bat, Portugalen 85-11 irabazi baitzuten.

Ez dira titular guztiak ariko eskoziarren hamabostekoan,

baina bai Weir, Peters, Redpath, Logan eta Townsend besteak beste.

Bederatzi euskal ordezkariek emakumezkoen partidan • Bestalde, Karitte Alegria, Elena Martinez (Getxo Artea), Olatz Fernandez, Ioana eta Eider Barrena (Elorrio), Idoia Salazar, Naiara Moreno (Kakarraldo), Nerea Lasa (Durango) eta Ines Etxegibel (L Hospitalet) Eskoziaren kontra ariko dira gaur Madrilen (16:00) lagunarteko partidan. X

laburrean

FUTBOLA

Munduko Txapelketan kontinente bakoitzak izango duen talde kopurua banatu du FIFAk

JAPONIAK eta Hego Koreak antolatuko duten 2002. urteko Mundialean kontinente bakoitzak zenbat ordezkarik izango dituen atzo erabaki zuen FIFAko Batzorde Exekutiboak: Europak 15 talde izango ditu, Hegoamerikak bost, Afrikak bost, Asiak lau eta Concacafek hiru. Frantzia txapelduna eta Japonia eta Hego Korea antolatzaileak zerrenda horren barnean daude. Oceaniako irabazleak Hegoamerikako bosgarrenaren kontra jokatu beharko du, Mundialean zein sartu erabakitzeko. X

SASKIBALOA

NBAko jabeak eta jokalarien sindikatua ez dira jarrerak hurbiltzeko gauza izan

NBA-KO taldeetako jabeak eta jokalarien sindikatuak bilera egin zuten, baina ez zuten inolako aurrerapausorik eman Liga hasteko behar duten akordioa lortze aldera. Michael Jordan bera bileran egon zen, baina Chicago Bullseko izarraren parte hartzeak ez zuen jarrerak hurbiltzerik lortu. NBAk urtean eragiten dituen 2.000 milioi dolarrek jabeen eta jokalarien artean zer proportziotan banatu, horixe da atziaren gakoa. NBAko Ligak hasi behar zuenetik 156 egun igarota, urtarila bitarteko epea ezarri dute akordioa lortzeko. Bestela, denboraldia bertan behera utziko dute. X

ATLETISMOA

Marie Jose Perce berragertzeko prest dago, urtebete lehiatu gabe eman ondoren

MARIE JOSE PERCE frantziarra, 200 eta 400 metroetan txapeldun olinpikoa izana, entrenamenduetara itzuliko da aurki. Lesio bat eta gaixotasun bat —mononukleosia— jasan ditu Perceek, eta denboraldi bat lehiatu gabe egon da. Osatu da, baina, eta aurki Los Angelesera abiatuko da entrenatzera. Berrirori goi mailan lehiatzeko irrikitan dago, eta Sidney'2000 Joko Olinpikoetan ezarri du jomuga: «Nire gorputzarengan erabateko konfiantza dut», esan du entrenatzen hasi aurretik. Pista estaliko denboraldian ez du parte hartuko. X

IGERIKETA

Fred Deburghgraeve munduko marka ondu du 100 metro bular estiloan, igerileku laburrean

FRED DEBURGHGRAEVE igerilari belgikarrak munduko marka hobetu du 100 metro bular estiloan, 25 metroko igerilekuan (58:79). Europako Txapelketan atarian, txapeldun olinpikoak 23 ehunekoan ondu du bere marka EEBBetan. X

ESTADIO DE ANOETA

ANOETAKO ESTADIOA

ABENDUAK 5, LARUNBATA, 20,15 ORDUETAN

C. F. EXTREMADURA

REAL SOCIEDAD DE FUTBOL

PUBLIKOARI SALMENTA: ANOETAKO ESTADIOAN

TRENBIDETIK GERTUENEN LEHIATILAN

- Osteguna, 11etatik 13etara eta 17etatik 20etara.

- Ostirala, 11etatik 13etara eta 17etatik 20etara.

- Larunbata, 11etatik 13etara.

Estadioko beste lehiatila LARUNBATEAN bakarrik, PARTIDUAREN ORDU TERDI BAT LEHENAGO (18,45 h.) zabalduko dira.

Ohizko saltoki laguntzaileetan ere gauzatuko da salmenta.

SALNEURRIAK

Tribuna Ekialde Goikoa eta Anfiteatroa.....5.000

Tribuna Nagusia Behekoa Erdi-Aldekoa.....5.000

Tribuna Ekialdea Behekoa Erdi-Aldekoa.....4.500

Tribuna Ekialdea Behekoa Aldeko Iparra.....4.000

Tribuna Iparralde Behekoa.....2.500

Elbarriak, gurgil-aulkiz.....2.000

Haurrak (14 urte arte) Trib. Goikoan heldu batek lagunduz.....1.700

Haurrak (14 urte arte) Trib. Behekoan heldu batek lagunduz.....1.500

Haurrak (14 urte arte) Tribuna Behekoan.....1.000

BAZKIDEAK:

- HILABETEKOK: AZAROAREN TXARTELAK.

- EPEKAKOK: 1998ko 2. EPEAREN TXARTELAK (epe honen azkeneko partidua)

- URTE OSOKOK: 1998ko TXARTELAK

GONBIDAPEN PASEAK TRUKATU AHAL IZANGO DIRA LARUNBATEAN, 19,30ETATIK AURRERA 4.LEHIATILAN (Belodromotik gertuenekoa).

ROVER

VEHICULO OFICIAL DE LA REAL SOCIEDAD